

مجله تاریخی و جغرافیایی

مطبعه و محل اداره :

در حال اوغوشده امنیت
مزدوغی حوارینده
مشکول بقوشنده
۲۰ نوسرو

مسلک زه موافق آثار
جدیدیه مع الممتونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه و به بحث ایدر و ائنه ده بر نشر اولنور .

صاحب و مؤسسه لری :

ابوالاعلاؤین العابدین - ح . اشرف ادیب
تاریخ تأسیسی

۱۰ تموز ۱۳۲۹

آبونه بدلی

سه لکی	القی آیلانی	غروش
۶۵	۳۵	۳۵
۶۵	۳۵	روبله
۱۷	۹	فرائق

در معادئده نسخه سی ۵۰ یار ددر

قیرلمه دن مقوا بورو الیه کوندر لمیره سنوی
۲۰ غروش فضله آلامر

یدنجی جلد

۱۲ صفر ۱۳۳۰ پنجشنبه ۱۹ کانون نانی ۱۳۲۷

عدد : ۱۷۸

بونلر ملاقاتمه کلینجه بلخده کی اغتشاشی تسکین ایچین برلکده کلهرنی سوله دم وکندیلرینی ایلك بهارده ترخیص ایده جکمی وعد ایلهدم . بونلر تکلیفی قبول ایله برابر کله جکلری آنده ، همه حال کابله عودتی ایچین کرنیل سهرایه عمجه مدن برامر نامه کلدی . مترجمی

طاهر المولوی

اسلامده حرکات علمیة

(الدعوة والارشاد) ده اصول تدریس

مابعد

بدع وخرافات ، تقالید وعادات

بو علم ، صنف مرشدینه خاقد . بو عنوان آتنده مسلمانین آرسنده نمایان اولان بدعتلر ، شیوع بولان خرافات حقتده درسلر ترتیب اولونه جق و بودرسلرده اشبو بدع و خرافاتک ماثرات ، اسباب وتاریخی ، دین ودنیاده تأثیر مضری ، دائرة اسلامه داخل اولان ام و شعوبدن ، یاخود مسلمینک مجاور بولندوغی اقوامدن اهل اسلامه سرایت ایدن تقالید وعادات ایله بونلردن ضارو نافع اولانلرینک و دین ایله هیچ برمناسیتی اولمدیغی حالده لون دین ایله بویانانلرک تمیز وتفریق بسط وتقریر اولونه جقدر .

مدرس ، درسلرک مقدمه سنده بودرسه اولان احتیاجک وجه وسببنی ایضاح ایده رک اشواموردن امتک ملازم بولونه جقلرینک کندی ایچون غیردن مابه الامتیازی اولان « مقومات » و « مشخصات » دن معدود اوله جغنی ، حال بوکه مابه الامتیاز والتشخص اولان خصوصاتک حسن ونافع اولمسی لایق ومناسب بولونه جغنی ، چونکه اطباء روحیین واجتماعیینک . امتلرک مصاب بولوندوقلری امراضک مداواتنه ویا آنلرک حفظ صحتنه آنجق ، ام مذکورده نک بتون مشخصات مرضیه وحمیه سی حقتده وقوف تام حاصل ایتدکلری حالده موفق اوله بیله جکلرینی کوزلجه تبیین ایتایدلر . علمامز بواموری ، کلام ، مواظ ، رقائق ، اخلاق ، آداب وتاریخ کتبا . بلرنده بیان ایدرلردی . بناء علیه مدرس ، درسارنده بوکتابلردن استمداد ایدر . کتب مذکورده دن بعضلری شونلردر : کتاب الاعتصام (شاطبی نک) ، کتاب المدخل (ابن الحاج ک) ، کتاب تلبیس ابلیس (ابن جوزی نک) ، کتاب ایشارالحق علی الخلق (ابن المرتضی الیمانی نک) و کتاب الطریقه المحمدیه (برکوی نک) . بوندن باشقه مدرس ، بزه کتابلری واصل اولان مؤلفینک عصرندن صوکره حدود ایدن بدع وتقالیددن بحث ایدرک بونلردن بتون بیلدکلرینی ذکر ایلر .

مابعدی وار

مکاتیب

اسلام مجاهدلرندن بنگازی دازالحرکاتنده سلوم حوالیسی قوماندانلغی درعهده ایش اولان قول آغاسی عصمت غبات الدین بک طرفندن کوندربان خصوصی بر مکتوبدن :

قدرت ایمان

یک چوق چالشمغه ، فداکارلغه لزوم وار . منظومه سیاستمه ایجاب ایدن آهنگ وقوتی ویره بیلنجهیه قدر بو کی آجیلره ، المله قاتلانمغه محکومز . بوعلام محکومیتی یرته بیلیمک ایچون صرف اخلاص ایله چپالامی ، عالم سیاستی شاشیره جق خارقه لر کوسترملی یز . علی العاده غیرتله ، جعلی فداکارلقلر بزی ایچنده بولندیغمز تهلکه دن قورتاراجق قدر مظهریتلر دوغوره ماز ، یکرمنجی عصرده معجزه لر ، کرامتلر کوستردجه سنه جانلیق کوسترملی یز . بوتون بو ضرورتلر ، بوکونکی بوحاللر قارشیسندن اولدجه حرکته باشلایان عالم اسلامک انتباهنه ، خاصه مصرلیلرک حیت وغیرته ، طرابلس عربلرینک - آفریقانک بو یک ابتدائی انسانلرینک - مهابت فداکاریسنه باقوبده متأثر اولمایان ، لاقید قالان استانبول محیطنه آجیماق آلدن کلز . بوکون حیات آتیه مزله تماماً علاقه دار اوله ساعتلر کچیریورزکه بوتون ملت ، بالجه اسلامیت بر رأس متفکر حالنده بواهمیتی دقیقه لری سلامت ومحافظه موجودیتیزی تأمیننه صرف ایتکله مکلفز . زیرا بوکون عرب اسلام مجاهدلریله مدنیت صلیبیه نک معظم ، مجهز بر اردوسی چارپیشیور . بوکون ساده قوه ایمانله مجهز اولان موحدین صاحب شریعتک احد ، بدر غزالرینه نظیره لر کوستریور . دشمنک صفوف نلله ومعاونده دن متشکل ، اک صوک وسائط تخریبیه مدنیله ایله مجهز قوتلی قوللری ، مفرزه لری ، اللرنده صوبا نوعندن برر تفشکی وعدداده اون مثلی دون اولان اسلام محاربلری اوکنده خاک هلاکه سهریلیور . ایتالیا فابریقه لرینک یتشدریدیکی بشون وسائط حرب وجدال آفریقای شالیده اکیلش گی طویلانیور . قدرت ایمانک عظمت قهارانه سی اوکنده طویلر ، تفنکلر ، مترالیوزلر ، استحکاملر هب فائده سز قالیور . فنون عسکریه نک بی نهایت اولان نظریات و قواعدی هب معناسز سوزلر کی صریقیور .

مظالم نصرانیة

یکجه وارد اری جعفر طیار بکه ارقداشندن وارد اولان مکتوبدر : « برادر » ایتالیا نلرک طرابلس غربیه ایلك تجاوزلرنده خسته خانه ده بولندیغمدن ایلك کونی اسیر اولدم . بز خستکانی اسیر حرب تلقی ایدرک انواع مظالم ایله حبس ایتدیلر . خسته لردن بر جوق ارقداشلر من وفات ایتدی . بر قچکون صکره بزی یوز قرق کشی اوله رق وبرواپوره بیدیره رک نابولی شهرینه یوللادیلر . نابولی ده قرق کون قالدق . یدیکمز یمک صباح آقشام طوموز ایتدر . بر کون طوموز آتی یمامک اوزره اتفاق ایتدک قراوانه بوروسی چالدى ، یمک آلمغه چیقماقد . بونک اوزرینه ایتالیا ن ضابطلری اللرنده قیرباچ ایله کلهرک طایق ایله چیقساروب یمک آلدیردیلر . یمکدن استنکاف ایدنلری فنا حالده دوکدیلر . قرق کون صکره نابولیدن قازهرته شهرینه یوللادیلر ، بوراده طوموز آتی یدیرمز ایسه لرده چوق زحمت چکدیرلر . اکمک کونده اوچیوز غرام ، آجلقدن اوله جکز . چاشیر ویرمزلر ، بیتلر کوزلرتمیزی یمکه باشلادی هان جناب حق بزی بو ظالمالرندن قورتارسون . باشقه یازهمام زیرا کوزلرم یاشله دولدی قرده شم . »